

ընծայեցաւ, թէ բնագիր լեզուան և թէ անգլիարէն թարգմանութեամբ, Էսկոտս անուամբ (B. T. Evetts M. A.) գիտնականի համալսարանին Օքսֆորտի, ուր և տպագրեալ է, ճոխ ծանօթութեամբք, որ գրեթէ հեղինակին գրածէն աւելի են. և զորս շատ մասամբ տուած է գիտնագոյն մի, Բլտոյէր Սլփրետ (Butler), հեղինակ հետաքննելի գրքի մի՝ Եգիպտական հին եկեղեցեաց վրայօք, (The ancient Coptic Churches of Egypt). ձեռնտու եղած է մասամբ և բազմահմուտ հայագէտ, և քանի մի տարիէ ի վեր ծանօթ մեր ազգային բանասիրաց և ասոնց օրագրաց մէջ՝ Կոնիքիէր (F. Fr. Conybeare), որ և զուարթառատ ազնուութեամբ ընծայեց մեզ օրինակ մի Աբուսահլի թանկ և հետաքրքրական գրոց. որոյ համար կարելոր պարտք համարիմք հրապարակել հոս մեր շնորհակալութիւնը:

Գալով առ հեղինակն, զոր ըստ մեր մատենագրաց և ազգային սովորութեան՝ Արուստահ անուանեմք (փոխանակ Սալիհ ըսելու), ռփ և որոյ որդի և երբ յԵգիպտոս եկած ըլլալն՝ չի յիշուիր. որովհետեւ, ըստ վերոյգրելոցս, գրքին սկիզբն պակաս ըլլալով՝ իր վրայօք ըսածն այլ (եթէ ըսած էր) պակսի. բայց իր պատմու-